

Dienelkander



Nuusbrief van die Gereformeerde Kerk Potchefstroom-Oos

24 April 2016

OGGENDDIENS: Student Hanno van Schaik

Ons verwelkom vir Hanno wat vanmore ons erediens lei en bid hom die seën van die Here toe. Baie welkom aan proff Johannes Smit en Chris van der Walt wat as eksaminatore optree. Ons doen ook voorbidding vir ons broers en susters wat by die gemeentekamp in erediens vergader.

Skriflesing: Hebreërs 11: 1-19; 12: 1-2

Fokus verse: Hebreërs 11: 1-3 en 12: 1-2

Heidelbergse Katekismus Sondag 7,
Vraag en antwoord 21

Tema: Ware geloof: **Vertrou**, want die Here is **getrou!**

Ontmoetingsdiens

Intreelied (Votum) Ps 95:1:1, 4; Seën; Loflied: Ps 19:1: 1, 4; Apostoliese Geloofsbelijdenis

Verootmoedigingsdiens

Wet: Eksodus 20; Sing Ps 73:1: 1, 10;

Woorddiens

Gebed; Skriflesing; Sing Ps 90:1: 1;
Woordverkondiging

Antwoorddiens

Gebed; Liefdegawes; Sing Sb 11:2: 1, 2;
Gebed om die Here se Seën (2 Kor. 13: 13);
Amenlied Sb 13:3.

GROEPBEDIENING

Vanaand gee ons weer aan al die groepe in die gemeente geleentheid om bymekaar te kom. Daar vergader om 18:00 'n groep by die kerkgebou onder leiding van ds. Piet. Bring asseblief jou Bybel en Psalmboek saam. Ons werk tans saam uit die brief van Jakobus.

MEELEWING

- Tom Larney (Groep 29 - 082 711 2502) is ontslaan en sterk huis aan.
- Fanie Bezuidenhout (Groep 18 - 076 160 1884) is in Potchefstroom Hospitaal opgeneem met niversaking.
- Ons bid steeds vir Wilna Botha (Groep 4 - 082 782 9478) en Louis en Tilla Botha (Groep 4 - 082 395 3744) met die afsterwe van Hannes.

Ons bid dat die Here spoedig beterskap, herstel en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Marianne Kruger, Bettie Ras, Janet vd Walt, Hester Buys, brs. Isak vd Walt, Tjaart Snyman en Fanie Bezuidenhout.

ONS GROET

Hester Coetsee wat met bewys van lidmaatskap vertrek na die NG Kerk Nahoon, Oos-London.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekies@oosdoppers.co.za of Louw/Magdaleen Venter 082 566 5879)

AFKONDIGINGS

Vandag

09:00 Gebedsgroep
09:30 Oggenddiens
 Kleuterbediening
 Katkasisie 10
 Tee en Koffie

Groepbediening

Katkasisieverslae word deur katekte ingehandig

Diakonievergadering skuif na 8 Mei

Maandag

18:30 Volwasse kategese
17:30 Eiendomme-diensgroep
18:00 Oosdopperfees

Dinsdag

06:00 Manne ondersteuningsgroep
18:00 Groepsusters

Woensdag

Openbare vakansiedag: Vryheidsdag

VERJAARSDAE

Baie geluk aan almal wat DV hierdie week verjaar!

Sondag, 24 April

Br Adolf Lombard 018 290 6669

Dinsdag, 26 April

Jbr Marthinus du Preez 087 150 9406
Jbr Pieter v Zyl 082 818 5196

Woensdag, 27 April

Br Fitz Ganz (90) 072 223 1268
Br Dawie Grobler 072 117 3978
Sr Riana Schutte 082 355 1108

Donderdag, 28 April

Sr Michelle Bezuidenhout 072 261 3972
Br DJ Moss 079 429 4152
Sr Kinnie Yssel (80) 082 078 4608

Vrydag, 29 April

Jbr Ian Bartlett
Br Willem Basson 082 880 7661
Sr Marian de Kock 082 950 4358
Jsr Emma du Plooy 018 294 3709
Br Pieter Lessing 082 375 4078
Sr Marie Oosthuizen 082 929 3834

ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die Klassis: Sustentasie.
- Gawe volgende Sondag vir die GKSA: Sustentasie.
- Vrywillige bydrae vir voertuigsekeriteit in die bussies by die deure.
- Diensbeurte: Groep 20 en 21

FOKUSTYD 2016

Gesinne is kosbare gawes in diens van die Here



Ons jaarlikse fokustyd **begin op Maandag, 9 Mei** en duur tot met Nagmaal op 12 Junie. Ons fokus vanjaar op die wyse hoe God gesinne in sy diens gebruik. Die gemeente is egter ook 'n gesin en ons fokus ook op die wyse waarop ons hier in die

gemeente as geestelike gesin saamleef. Daarom moet enkellidmate nie voel dat hulle uit die tema uitgesluit word nie. Elke lidmaat is 'n belangrike gesinslid en ons bede is dat almal saam in die Woord en in gebed sal verdiep.

Die Fokusboekie is elektronies beskikbaar en is op ons gemeente se webbladsy gepubliseer (Kyk by Oosdoppers.co.za onder "Media"). Lidmate kan dit ook per e-pos aanvra vanaf die kerkkantoor. Vir lidmate wat nie toegang hierdie het nie, is harde kopieë gedruk en dit is by Adele beskikbaar. In die boekie word die werkswyse uiteengesit van dagstukkies gedurende die week, groepsbybelstudies en die weektema word afgesluit met 'n preek op Sondag.

Die volgende temas word bedien:

Week 1: 'n Christus-gesentreerde gesin

Week 2: Leierskap en rolle in die huisgesin

Week 3: Die gemeente as 'n huisgesin

Week 4: Gesinne is 'n plek waar daar van die verlossingdade van die Here vertel word

Week 5: Gesinne is 'n ruimte waarin daar getuienis na buite gelewer word

Kleingroepe: Indien lidmate/gesinne wat nog nie by aktiewe kleingroepe ingeskakel het nie, dalk lus het om vir die fokustyd by so 'n groep aan te sluit, kontak asb die predikante om jou/julle daarmee te help.

Mag die Here ons fokustyd ryklik seën.

HOE KWEEK ONS HARTSGESINNE (9) CHRIS VENTER

Kinderdissipline 4

'Time-out'

Hierdie metode werk baie goed met klein kindertjies. Hulle hou niks daarvan om vir 20-30 sekondes in 'n hoekie te gaan stil sit nie. Die tydsduur van die 'uitsit' moet nie buitensporig lank wees nie, want dan kan die kind begin neul en sodoende onnodige druk op die ouer plaas.

Lyfstraf

Aangesien lyfstraf 'n omstrede saak is moet ouers dit oordeelkundig toepas. Dit kan maklik misbruik word en kan talle ongunstige newe-effekte hê. Die kind kan 'n wrewel jeens die ouer ontwikkel of hy/sy kan op die wyse aggressiewe gedrag by die ouer aanleer. Lyfstraf (piets op die vingers of boud) vir kleiner kinders kan

sinvol wees, maar soos die kind ouer word en sy ouers se verduidelikings kan verstaan (4-5 jaar), kan van die ander genoemde metodes meer sinvol gebruik word. Indien lyfstaf wel toegepas word moet dit spaarsamig en net in uiterste gevalle toegepas word, en moet ouers daarteen waak om hulle kinders te slaan as hulle woedend is – die straf kan dan maklik ontoepaslik wees.

Moenie skreeu of "nag" nie

Kinders reageer gewoonlik nie op ouers se geskreeu en geneul nie. As ouer moet jy kalm bly en dit wat jou hinder van die kind se gedrag duidelik aan hom/haar uitspel, die verlangde reël vir gedrag neerlê, die toepaslike straf verduidelik indien die reël nie nagekom word nie, en dan te kyk of die kind gehoor gee aan jou versoek. Indien hy/sy oortree kan die straf dan sonder emosie van jou as ouer se kant af toegepas word. In so 'n situasie sal die kind net vir homself kan kwaad wees.

(Volgende week: Kinderdissipline 5)

GEMEENTEKAMP

Baie dankie aan lidmate wat saam gekamp en gekuier het. 'n Besondere dankie aan Anna Smith en haar span wat soveel moeite gedoen het met al die reëlings en die naweek vir ons almal so spesiaal gemaak het.

DRINGEND OP SOEK

Ons is dringend op soek na ons susters se groot urn. Indien enige iemand weet dat dit dalk geleen is en per abuis nog nie teruggebring is nie, vra ons dat dit asb onmiddellik terug gebring word.

MILDE HANDE (Hekel en Brei)

Ons benodig nog hulp en hande vir die brei van kindertruitjies. (10 x 4jr; 10 x 6jr; 10 x 10jr).



Patrone is by Annetjie Vermeulen beskikbaar indien u nie 'n patroon het nie!

Handig voltooide artikels in vanaf **26 April - 9**

Mei by Annetjie Vermeulen of die kerkkantoor.

Baie dankie vir almal wat hiermee help!

AMANDELBLOEISELS

Weereens 'n heerlike kuieroggend.

Ons het by die kerk bymekaar gekom waar Ds Piet vir ons geopen het met skriflesing en gebed. Gee vir ons 'n boodksap oor blydschap. "Verbly julle altyd in die Here". Daarna vertrek ons na Elizabeth's Manor in James Morokastraat. Wat 'n verrassing toe ons in die erf inry! Baie mooi en netjiese tuin met tafels gedek onder die bome met baie lekker eet- en drinkgoedjies. Die dames wat ons bedien is baie vriendelik en behulpsaam. Ons is dankbaar vir die voorreg om so bederf te word. Dankie aan die wat altyd vir ons ietsie mooi reël vir so oggend.

Amandelbloeisel-groete

PAP EN KAIINGFEES: GK VENTERSDORP

Die Gereformeerde Kerk Ventersdorp hou D.V. op Saterdag, 7 Mei weer hulle jaarlikse Pap en Kaiingfees. Vanjaar tree Pieter Koen as gaskunstenaar op en die toegang is gratis! Kom sit aan by ons Plaaskombuisresaurant en smul aan vingerlekkker pap en kaiings, gevulde pannekoek, heerlike tuisgebak, bobaas sosaties, smaakklike poeding en nog vele meer terwyl die jongspan hulself besig hou met spinwiel, kettieskiet, 'n fotohoekie, en ander speel-tot-jy-moeg-is-prettighede. Kom bie ook op die veiling vir jou Brahman stoetbul en drie verse!

BYBELSKOOL POTCHEFSTROOM

Die program vir ons Bybelkool die kwartaal is soos volg:

Spreker	Onderwerp
4 Mei : Prof Jorrie Jordaan	Hoe moet ons die Bybel lees?
11 Mei: Prof Callie Coetzee	Pentakostalisme
18 Mei: Prof Henk Stoker	Ons hantering van verdwaaldes.

Die Bybelkool begin om 18:00 (sesuur) in die kerksaal van Gereformeerde Kerk Potchefstroom en sal 'n uur duur. 'n Donasie van R 10.00 per geleenthed word gevra. Die geld word aangewend om uitgawes te dek en 'n donasie aan die sprekers te gee. 'n Goeie luidspreker sal gebruik word.

OOSDOPPERFEES – VLEISBESTELLINGS

Bestelvorms vir vleis is in die voorportaal van die kerk en skuur beskikbaar, u kan ook in die kerkkantoor vorms afhaal vir bestellings.

KENNISGEWINGBORD

- Woonstel beskikbaar in Groenwilgers aflatree-oord vanaf 3 Mei 2016. Vir navrae skakel 018 290 5800 | 082 467 5800
- Cachet Skoolverlaterskamp 3-8 Julie

SOSIALE MEDIA VIR ONS GEMEENTE

Webblad: www.oosdoppers.co.za



Facebook:

www.facebook.com/oosdoppers

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.



Karel se preke kan ook aanlyn besigtig word by
<http://karelsteyn.blogspot.co.za/>

KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690

Susters



TEESKINKGELEENTHEID

Tee word vandag in die Skuur bedien onder die leiding van Groep 6,
Riana Heystek (groep 7) en Marian de Kock (groep 20).



Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

SUSTERSBYDRAE

 Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.


BLIKKIES-WARMHARTE

 Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan.

Baie dankie aan almal wat so getrou vir ons die vol blikkies bring.

KWARTAALPROGRAM

DATUM	DAG	TYD	WIE	WAT
26-Apr	Dinsdag	18:00	Groepsusters	Groepsustersvergadering
23-27 Mei	Maan-Vry	13:00 en 18:00	Naamllys	Oosdopperfees - Vleiswerk - etes
28-Mei	Saterdag	09:00	Almal	Oosdopperfees
14-Jun	Dinsdag	19:00	Blok A	Sustersamekoms
05-Jun	Sondag	19:00	Blok C	Ouderlingevergadering - verversings
12-Jun	Sondag	12:00	Blok D	Nagmaal & ete



OOSDOPPERTJIE-NUUS

NUUS UIT DIE BYBELKOERANT

BABELSE VERWARRING LAAT BOUWERK STAAN

SINAR. ~ Een van die mees ambisieuse bouwerke wat nog aangepak is, ‘n ontsaglike hoë offertoring, is hier laat vaar nadat daar onoorbrugbare kommunikasieprobleme op die bouperseel ontstaan het.

Bouwerk aan die “toring van Babel”, soos die konstruksie intussen spottenderwys gedoop is, het etlike jare gelede begin. Die oogmerk was om ‘n offertoring te bou waarvan die punt tot in die hemel reik. Stadsvaders het geglo dat hulle met hierdie monument van menslike vernuf hulle naam en die van Sinar sou verewig in die annale van die mensdom. Die toering sou ook dié offerplek vir almal wees, omdat ‘n mens met die toering as’t ware tot by die gode in die hemel sou kon klim om daar jou offer te bring.



Stadsvaders is nie seker presies wat gebeur het nie, maar van die workers vertel dat hulle eenoggend heel onverwags net nie meer mekaar kon verstaan nie. “Ons het net ewe skielik verskillende tale begin praat, en dit was onmoontlik om mekaar te verstaan. Ons het geen ander keuse gehad as om die werk te staak nie,” het ‘n verdwaasde bouvoorman opgemerk.

Ondertussen beweer ‘n semitiese profeet dat hy lankal teen die projek gewaarsku het. Hy het die spraakverwarring as “‘n vingerwysing van God” beskryf. “As jy so op jou eie eer en roem gesteld is, kan dit nie anders as om te boemerang nie,” het hy gesê.

Lees hiervan in Gen. 11:109.

BAIE DANKIE AAN ONS BORG VAN DIE WEEK!


**Kerkstraat 199
Potchefstroom
Tel: 297 7247**
MOOI RIVIER
APTEEK PHARMACY
Elke dag oop tot 20:30

ESTÉE LAUDER	ORLANE PARIS
PAYOT PARIS	CLARINS PARIS
Kanebo	REVLON
	GREEN + CROSS